

გამარტივებული შესყიდვა (რაციონალური ხარჯი)  
საქართველოს კანონი სახელმწიფო შესყიდვების შესახებ, მე-9 მუხლის 3<sup>1</sup> პუნქტის ა) ქვეპუნქტის შესაბამისად

CPV - 39200000

ქ. თბილისი

2016 წლის 01 ნოემბერი

**ხელშეკრულების მხარეები**

შპს „სახელმწიფო კვებითი უზრუნველყოფა“ წარმოდგენილი მისი დირექტორის ალექსი ზანდარაშვილის სახით, (შემდგომში მოხსენიებული, როგორც „მყიდველი“), ერთის მხრივ და შპს „ვიდიჯი გრუპი“ წარმოდგენილი მისი დირექტორის გივი კალანდარიშვილის სახით (შემდგომში მოხსენიებული, როგორც „გამყიდველი“) მეორეს მხრივ, ვდებთ წინამდებარე ხელშეკრულებას შემდეგზე.

**მუხლი 1. მხარეთა ძირითადი შეთანხმების შესახებ (ხელშეკრულების საგანი)**

- 1.1. წინამდებარე ხელშეკრულების შესაბამისად „გამყიდველი“ ვალდებულია „მყიდველს“ მიაწოდოს დანართი №1-ში აღნიშნული საპნის დისკანსერი (შემდგომში - საქონელი) „მყიდველისათვის“ ამ ხელშეკრულებით განსაზღვრული წესით, ხოლო „მყიდველი“ ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.
- 1.2. საქონლის ერთეულის ფასი მოიცავს მიწოდების ყველა ხარჯს, ასევე საქართველოს კანონმდებლობით დადგენილ ყველა გადასახადს.
- 1.3. ხელშეკრულების ღირებულება შეადგენს 66 (სამოცდაექვსი ) ლარს.

**მუხლი 2. საქონლის შესაბამისობის შესახებ**

- 2.1. „გამყიდველი“-ს მიერ „მყიდველისათვის“ გადასაცემი საქონლის ხარისხი, ძირითადი მახასიათებლები და სხვა პარამეტრები უნდა შეესაბამებოდეს „გამყიდველის“ მიერ შემოთავაზებულ პირობებს.

**მუხლი 3. მხარეთა უფლებამოსილებებისა და მოვალეობების შესახებ**

- 3.1. წინამდებარე ხელშეკრულებით „გამყიდველი“ ვალდებულია საქონელი „მყიდველს“ მიაწოდოს ხელშეკრულებით განსაზღვრული წესით, „მყიდველისათვის“ საჭირო რაოდენობით, ხოლო „მყიდველი“ ვალდებულია მიიღოს საქონელი და მოახდინოს „გამყიდველთან“ ანგარიშსწორება ხელშეკრულებით გათვალისწინებული პირობებით.
- 3.2. „მყიდველი“ ვალდებულია მიიღოს საქონელი, მიღების მომენტში შეამოწმოს საქონლის ხარისხი, რაოდენობა და გარეგანი იერსახე.
- 3.3. „მყიდველი“ ვალდებულია „გამყიდველს“ აუნაზღაუროს მიწოდებული საქონლის ღირებულება ამ ხელშეკრულების მე-7 მუხლის შესაბამისად.
- 3.4. მხარეები ვალდებულნი არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის.

**მუხლი 4. საქონლის მახასიათებლების შესახებ (რაოდენობა და ხარისხი)**

- 4.1. „გამყიდველი“ ვალდებულია მიწოდების დოკუმენტებში (ზედნაწილები) მიუთითოს მიწოდებული საქონლის მახასიათებელი და ფასები.
- 4.2. მიწოდებული საქონლის მახასიათებელი და რაოდენობა უნდა შეესაბამებოდეს მიწოდების დოკუმენტში დაფიქსირებულს.
- 4.3. „გამყიდველი“ იძლევა გარანტიას, რომ, საქონლის „მყიდველი“-სათვის გადაცემის მომენტში, არის საქონლის კანონიერი მფლობელი და ასევე, რომ საქონელი არ არის დაგირავებული, დაყადაღებული, მესამე პირებს არ შეიძლება წარმოეშვათ რაიმე სახის პრეტენზია აღნიშნულ საქონელთან მიმართებაში.
- 4.4. „გამყიდველი“ ამ ხელშეკრულებით მოსაწოდებელ საქონელზე ავრცელებს 1 (ერთ) წლიან გარანტიას. გარანტიის ვადის ათვლა დაიწყება საქონლის ფაქტობრივად მიწოდების დამადასტურებელი შესაბამისი დოკუმენტაციის გაფორმების დღიდან.
- 4.5. მინიმალური საგარანტიო მოთხოვნები: გამყიდველი გამოთქვამს მზადყოფნას წინამდებარე ხელშეკრულებით მიწოდებული საქონლის მწყობრიდან გამოსვლის შემთხვევაში, შეტყობინების მიღებიდან 10 (ათი) სამუშაო დღის ვადაში შეაკეთოს დაზიანებულ საქონელი, თუ შეეკეთება ტექნიკურად შეუძლებელია იგივე ვადაში ჩაანაცვლოს იდენტური პარამეტრების მქონე ახალი საქონელით.
- 4.6. საგარანტიო პირობები არ ვრცელდება თუ საქონლის დაზიანება გამოწვეულია „მყიდველის“ მიერ არასწორი ექსპლუატაციით, დაუდევრობით ან გაუფრთხილებლობით.
- 4.7. საგარანტიო პირობების შესრულებლობა / არაჯეროვნად შესრულებლობა გამოიწვევს მომწოდებელზე პირგასამტეხლოს დაკისრებას 50 (ორმოცდაათი) ლარის ოდენობით ყოველ ვადაგადაცილებულ დღეზე (4.9 მუხლით განსაზღვრული შეკეთების ვადები). ამასთან შესაძლებელია განხორციელდეს ხელშეკრულების შეწყვეტა.
- 4.8. პირგასამტეხლოს გადახდა არ ათავისუფლებს მომწოდებელს შესასრულებელი ვალდებულებისაგან.

**მუხლი 5. მიწოდებისა და დოკუმენტების შესახებ**

- 5.1. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, „მყიდველი“ ატყობინებს აღნიშნულის შესახებ „გამყიდველს“, რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 5.2. საქონლის ფაქტობრივი მიწოდება უნდა განხორციელდეს სასაქონლო ზედნაწილების გაფორმების დღეს.

**მუხლი 6. საქონლის მიღება-ჩაბარების შესახებ**

- 6.1. საქონლის მიღებისას, „მყიდველი“ შეამოწმებს საქონლის რაოდენობის, მახასიათებლისა და ხარისხის შესაბამისობას წარდგენილ დოკუმენტებთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და „მყიდველი“-ს წარმომადგენლის ხელმოწერით ზედნაწილებზე ან/და ა/ფაქტურაზე ან/და მიღება-ჩაბარების აქტზე. „მყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა და ხარისხი არ შეესაბამება მხარეთა შორის შეთანხმებულ პირობებს.

- 6.2. "მყიდველის" უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს "მყიდველის" უფლებამოსილი თანამშრომელი, (მარკეტინგისა და საზოგადოებასთან ურთიერთობის განყოფილების უფროსი, ადმინისტრაციული დეპარტამენტის უფროსი, სახელმწიფო შესყიდვების და ლოჯისტიკის დეპარტამენტის თანამშრომელი და სხვა).
- 6.3. "გამყიდველის" უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს "გამყიდველის" უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

#### მუხლი 7. ანგარიშსწორების შესახებ

- 7.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით.
- 7.2. ანგარიშსწორება მოხდება შემდეგი წესით: "მყიდველი" "გამყიდველს" გადაუხდის მიწოდებული საქონლის ღირებულებას სრულად ფაქტობრივად მიწოდებიდან და შესაბამისი დოკუმენტაციის გაფორმებიდან 10 (ათი) კალენდარული დღის ვადაში.
- 7.3. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, "მყიდველის" და "გამყიდველის" ან მათი წარმომადგენლების მიერ ხელმოწერილი სასაქონლო ზედნაწილი ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.

#### მუხლი 8. ხელშეკრულების შესრულების კონტროლის შესახებ

- 8.1. ხელშეკრულების შესრულების კონტროლს განახორციელებს:
- 8.1.1. შპს „სახელმწიფო კვებითი უზრუნველყოფის“ შესყიდვებისა და ლოჯისტიკის დეპარტამენტის უფროსი ან/და დირექტორის მიერ გამოყოფილი შესაბამისი უფლებამოსილი პირი - "გამყიდველის" მიერ მიწოდებული საქონლის სახეობის, მახასიათებლის, ხარისხის კონტროლი, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემთავაზებულ პირობებთან;
- 8.1.2. შპს „სახელმწიფო კვებითი უზრუნველყოფის" - სახელმწიფო შესყიდვებისა და ლოჯისტიკის დეპარტამენტის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან, შეკვეთის მიცემისა და შესრულების ვადების კონტროლი, მიწოდების ადგილი.
- 8.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.
- 8.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი "მყიდველის" არჩევანის მიხედვით.

#### მუხლი 9. მხარეთა პასუხისმგებლობის შესახებ (რეკლამაცია)

- 9.1. იმ შემთხვევაში, თუ "მყიდველი", "გამყიდველს" არ გადაუხდის მიწოდებული საქონლის ღირებულებას ხელშეკრულებით დადგენილ ვადაში და ასეთი გადაუხდელობა გრძელდება "გამყიდველის" მიერ აღნიშნულის თაობაზე წერილობითი შეტყობინების გაგზავნიდან 10 (ათი) სამუშაო დღეზე მეტი ვადით, "გამყიდველი" უფლებამოსილია "მყიდველს" დააკისროს გადასახდელი ძირითადი თანხის 0,3 % ყოველი ვადაგადაცილებული დღეზე.
- 9.2. იმ შემთხვევაში, თუ "გამყიდველი" არ განახორციელებს შესასყიდი საქონლის მიწოდებას ხელშეკრულებით განსაზღვრულ ვადაში "მყიდველი" უფლებამოსილია გამყიდველს დააკისროს პირგასამტეხლო მოსაწოდებელი საქონლის ღირებულების 0,3 % ლარის ოდენობით ყოველ ვადაგადაცილებულ დღეზე.

#### მუხლი 10. ხელშეკრულების შესრულების შეფერხების შესახებ

- 10.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.
- 10.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

#### მუხლი 11. ფორს-მაჟორის შესახებ

- 11.1. ამ ხელშეკრულების მიზნებისათვის დაუძლეველი ძალა (ფორს - მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებებისა, შეუძლებელი ხდება მათი დაძლევა. დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.
- 11.2. მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.
- 11.3. მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.
- 11.4. წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.
- 11.5. თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

#### მუხლი 12. ხელშეკრულების მოქმედების ვადის შესახებ

- 12.1. წინამდებარე ხელშეკრულება ძალაში შედის ხელმოწერის მომენტიდან.
- 12.2. ხელშეკრულება მოქმედებს 2016 წლის 05 დეკემბრის ჩათვლით.
- 12.3. ხელშეკრულება ერთ-ერთი მხარის წერილობითი განცხადებით შეიძლება შეწყვედეს ვადამდე შემდეგ შემთხვევებში:
- (ა) მხარეთა შეთანხმებით ნებისმიერ დროს; (ბ) მყიდველის მიერ 5 (ხუთი) კალენდარული დღით ადრე წერილობითი შეტყობინების გაგზავნის შემთხვევაში; ხელშეკრულება ვადამდე შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ. (გ) "მყიდველმა" შეწყვიტა, ან შეაჩერა თავისი საქმიანობა; (დ) მიმდინარეობს "მყიდველის" ან "გამყიდველის" გადახდისუუნარობის საქმის წარმოება; (ე) "გამყიდველი" სისტემატურად (2-ჯერ ან მეტჯერ) არღვევს თავის მოვალეობებს; (ზ) "მყიდველმა" ანგარიშსწორების

განხორციელების ვადას გადააცილა 20 (ოცი) კალენდარულ დღეზე მეტი ვადით; (თ) 'გამყიდველმა' არაერთგზის (2-ჯერ ან მეტჯერ) დაარღვია ხელშეკრულების პირობები

12.4. ხელშეკრულების ვადის გასვლით ან ვადამდე შეწყვეტის შემთხვევაში 'მყიდველი' ვალდებულია ხელშეკრულების შეწყვეტის ძალაში შესვლიდან 20 (ოცი) კალენდარული დღის განმავლობაში სრულად გადაიხადოს (დაფაროს) 'გამყიდველის' წინაშე არსებული დავალიანება.

### მუხლი 13. დასკვნითი დებულებების შესახებ

- 13.1. მხარეები პასუხს აგებენ ხელშეკრულებით ნაკისრი ვალდებულებების შესრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.
- 13.2. წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.
- 13.3. „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 13.4. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 13.5. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 13.6. ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.
- 13.7. „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.
- 13.8. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.
- 13.9. იმ შემთხვევაში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქაღალდზე და ხელმოწერილი ამისათვის უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონის ან ფაქსის საშუალებით.
- 13.10. მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე 'მყიდველის' მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.
- 13.11. გამყიდველი ადასტურებს, რომ მას ჩაბარდა ხელშეკრულება მისი დანართებითურთ.
- 13.12. გამყიდველი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 13.13. მხარეები შეეცდებიან ყველა წარმომოხილველი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმომოხილველი 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.
- 13.14. პირველი ინსტანციის სასამართლოს გადაწყვეტილება „მხარეთა“ მიერ მისი გასაჩივრების მიუხედავად, დაუყოვნებლივ შედის ძალაში საქართველოს საშუალო საპროცესო კოდექსის 268-ე მუხლის მე-11 პუნქტის შესაბამისად.
- 13.15. წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის გადასაცემად. ორივე ეგზემპლარი იდენტურია და გააჩნიათ თანაბარი იურიდიული ძალა.
- 13.16. შემსყიდველის მხრიდან ხელშეკრულებაზე ხელის მოწერილი პირი, ასევე ხელშეკრულების ვიზირებაზე ხელისმოწერილი პირები, ვადასტურებთ, რომ არ ვიმყოფებით ინტერესთა კონფლიქტში ხელშეკრულებაში მითითებულ მომწოდებელთან სახელმწიფო შესყიდვების კანონის მე-8 მუხლის შესაბამისად.

### 14. მხარეთა რეკვიზიტები და ხელმოწერები:

მყიდველი

შპს „სახელმწიფო კვებითი უზრუნველყოფა“

საიდენტიფიკაციო კოდი: 404 482 537  
მისამართი: ქ.თბილისი, ქანტურიას 12  
ბანკის დასახელება: სს „თი ბი სი ბანკი“  
ბანკის კოდი: TBCBGE22  
ანგარიშისნომერი: GE58 TB73 5343 6080 1000 04

დირექტორი: ალექსი ზანდარაძე

ხელმოწერა: \_\_\_\_\_



გამყიდველი

შპს „ვიდიჯი გრუპი“

საიდენტიფიკაციო კოდი: 204560607  
მისამართი: ქ. თბილისი, ე.ნინოშვილის N49  
ბანკის დასახელება: სს „საქართველოს ბანკი“ ბანკის  
კოდი: BAGAGE22  
ანგარიშის ნომერი: GE03 BG00 0000 0736 9245 00

დირექტორი: გივი კალანდარიშვილი

ხელმოწერა: \_\_\_\_\_





დანართი N 1

ხელშეკრულება N 0333/02

N	შესასყიდი საქონლის დასახელება	განზ.	რაო.-ზა	ერთ-ფასი დღგ.ს ჩათვლით (ლარი)	ხელშეკრულების ღირებულება (ლარი)	მიწოდების ადგილი
1	თხევადი საპნის დისპენსერი (ორმაგი კორპუსით, მაღალი ხარისხის)	ცალი	3,00	22	66,000	საქონლის მიწოდება ხორციელდება მომწოდებლის მისამართზე, შემსყიდველის მოთხოვნის საფუძველზე 2016 წლის 05 ნოემბრის ჩათვლით.

მყიდველი

შპს „სახელმწიფო კვებითი უზრუნველყოფა“

საიდენტიფიკაციო კოდი: 404 482 537

დირექტორი: ალექსი ზანდარაშვილი

ხელმოწერა: \_\_\_\_\_



გამყიდველი

შპს „ვიდიჯი გრუპი“

საიდენტიფიკაციო კოდი: 204 560 607

დირექტორი: გივი კალანდარიშვილი

ხელმოწერა: \_\_\_\_\_

